

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/37, 04.05.2021թ.

Բողոք բերող անձ՝ «ՄՏՍ Հայաստան» ՓԲԸ

Պատվիրատու՝ ՀՀ ոստիկանություն

Գնման ընթացակարգի ծածկագիրը՝ «ՀՀ Ո-ԳՀԾՁԲ-42-ԲՋՋԱՅԻՆ-2021/ԿԱՊ» գնանշման հարցում

Գնման առարկան՝ բջջային հեռախոսների ծառայությունների ձեռքբերում

Բողոքի պահանջը՝ պարտավորեցնել պատվիրատուին չկայացած հայտարարել թիվ «ՀՀ Ո-ԳՀԾՁԲ-42-ԲՋՋԱՅԻՆ-2021/ԿԱՊ» ծածկագրով գնման ընթացակարգը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին
(հասցե՝ ք. Երևան, Մելիք-Ադամյան փող. 1,
secretariat@minfin.am)

Բողոք ներկայացնող անձ՝ «ՄՏՄ ՀԱՅԱՍՏԱՆ» ՓԲԸ
(գրանցման համար՝ 273.120.03909, ՀՎՀՀ՝ 01551651,
գտնվելու վայրի հասցեն՝ 0015, ք. Երևան, Արգիշտի փող., 4/1 շ.,
ծանուցման հասցեն՝ 0025, ք. Երևան, Խանջյան փող., 50 շ.)
ներկայացուցիչ՝ Վահագն Մնացականյան
(ծանուցման հասցե՝ 0025, ք. Երևան, Խանջյան 50,
փաստաբանի վկայական, արտոնագիր՝ 1555, տրված՝ 25.06.2012 թ.,
ծանուցման էլ. փոստ՝ vm@snrc.am)

Պատվիրատու՝ ՀՀ ոստիկանություն
(հասցե՝ 0047, ք. Երևան, Նալբանդյան 130,
policetv.gnumner@mail.ru)

Գնման ընթացակարգի ծածկագիրը՝ ՀՀ Ռ-ԳԿԾՁԲ-42-ԲՋՋԱՅԻՆ-2021/ԿԱՊ
Գնման առարկան՝ «ՀՀ ոստիկանության կարիքների համար
բջջային հեռախոսների ծառայությունների ձեռքբերում»

ԲՈՂՈՔ

ՀՀ Ռ-ԳԿԾՁԲ-42-ԲՋՋԱՅԻՆ-2021/ԿԱՊ ծածկագրով գնման ընթացակարգի վերաբերյալ

1. Նախապատմությունը և փաստերը

- 1.1. 23.04.2021 թվականին տեղեկագրում (gnumner.am) հրապարակվել է ՀՀ ոստիկանության կարիքների համար բջջային հեռախոսների ծառայությունների ձեռքբերման թիվ ՀՀ Ռ-ԳԿԾՁԲ-42-ԲՋՋԱՅԻՆ-2021/ԿԱՊ ծածկագրով գնանշման հարցման (այսուհետ՝ «Գնման ընթացակարգ») հայտարարության և հրավերի վերաբերյալ ծանուցումը:
- 1.2. Գնանշման հայտարարությունը և հրավերը հրապարակվել են armpes.am կայքում:
- 1.3. Ըստ հայտարարության՝ հայտերի բացումը պետք է տեղի ունենա 04.05.2021թ. ժամը 10:00-ին:
- 1.4. Գնման ընթացակարգի հրավերի «Գնման առարկայի բնութագիր» բաժնում նշված է.
«1.1. Գնման առարկա է հանդիսանում « ՀՀ ոստիկանության » կարիքների համար՝ « բջջային հեռախոսների ծառայությունների» ձեռքբերումը (այսուհետ՝ նաև ծառայություն), որոնք խմբավորված են «1» չափաբաժիններում՝

| Չափաբաժինների համարները | Չափաբաժնի անվանումը |
|-------------------------|----------------------------------|
| 1 | բջջային հեռախոսների ծառայություն |

Ծառայության տեխնիկական բնութագրերը, ինչպես նաև մասնագիրը, տեխնիկական տվյալները և այլ ոչ գնային պայմանների ամբողջական և համարժեք նկարագրությունը կազմում են կնքվելիք պայմանագրի անբաժանելի մասը, որի նախագիծը ներկայացված է սույն հրավերի N 3 հավելվածում»:

1.5. Հրավերի թիվ 6 հավելվածում ներկայացված պայմանագրի նախագծի թիվ 1 հավելվածում որպես «տեխնիկական բնութագիր-գնման ժամանակացույց» նշված է.

| Ծառայության | | | | | | | | |
|-------------------------------------|---|--|----------------|------------------------|--------------------------------|--|-----------|--|
| հրավերի նախատեսված չափաբաժնի համարը | գնումների սյանով նախատեսված միջանցիկ ծածկագիրը՝ ըստ ԳԱԱ դասակարգման (CPV) | տեխնիկական բնութագիրը | չափման միավորը | ընդհանուր գինը/ՀՀ դրամ | ընդհանուր քանակը | մատուցման | | |
| | | | | | | հասցեն | ժամկետը** | |
| 1 | 64211130/1 | <p>Բջջային հեռախոսների ծառայությունը ընդգրկում է հետևյալ հիմնական տվյալները</p> <ul style="list-style-type: none"> - 40 հատ կանխավճարային բջջային հեռախոսահամարներ սահմանափակված խոսելաժամանակով: - խոսելաժամանակ՝ 4000 դրամ, որը ներառում է առավելագույնը 700 րոպե խոսելաժամ ընդհանուր օպերատորների հետ, այդ թվում Արցախ, Կանադա, Ռուսաստանի Դաշնություն և ԱՄՆ: - Ինտերնետի ծավալ՝ առավելագույնը 6.5 ԳԲ - SMS հաղորդագրությունների քանակ՝ առավելագույնը 600 հատ: <p>ՀՀ ոստիկանությունում գործող «Աcom» փաթեթի բաժանորդների հետ անսահման քանակությամբ և ժամանակով անվճար հեռախոսազանգեր:</p> <ul style="list-style-type: none"> - Տեխնիկական աջակցություն՝ օրը 24 ժամ շաբաթական 7 օր: - Երևան քաղաքի տարածքում գտնվող ստորաբաժանումներում ողջամիտ պատճառներով առաջացած խնդիրների դեպքում պետք է լուծվեն ոչ ուշ, քան 5 ժամվա ընթացքում: - ՀՀ տարածքում գտնվող քաղաքների ստորաբաժանումներում ողջամիտ պատճառներով առաջացած խնդիրները պետք է լուծվեն ոչ ուշ, քան 24 ժամվա ընթացքում: | դրամ | 1 | Ք. Երևան Նայրանոյա ն 130 | Պայմանագիրը ուժի մեջ մտնելուց հետո 20օր հետո, պատվիրատուի մետ պահանջը առաջանալու պահից մինչև, 2021թ. դեկտեմբերի 20-ը | | |

1.6. Գնման ընթացակարգում Պատվիրատուն թույլ է տվել Գնումների մասին ՀՀ օրենսդրության դրույթների խախտումներ, խեղաթյուրվել է գնման գործընթացի էությունը, բացառվել է մրցակցությունը՝ հետևաբար գնման ընթացակարգը պետք է հայտարարվի չեղյալ՝ հետևյալ հիմնավորմամբ:

2. Բողոքի իրավական և փաստական հիմքերը

2.1. Տեխնիկական բնութագրում նախատեսվել են նախապայմանները, որոնք սահմանափակում են ազատ մրցակցությունը, անհնարին դարձնում կոնկրետ բջջային կապի օպերատորից բացի այլ բջջային կապի օպերատորի մասնակցությունը: Մասնավորապես՝ տեխնիկական բնութագրում, ի թիվս այլ պայմանների, որպես ձեռք բերվելիք ծառայության էական պայման նախատեսվել է, որ թվով 40 հեռախոսահամարները պետք է հնարավորություն ունենան կատարել «ՀՀ ոստիկանությունում գործող «Աcom» փաթեթի բաժանորդների հետ անսահման քանակությամբ և ժամանակով անվճար հեռախոսազանգեր»:

2.2. Հայաստանի Հանրապետությունում շարժական կապի օպերատորների հեռախոսակապի ցանցերի միջև գործում է փոխկապակցման ծառայության վերջնավորման վճար, որի չափը սահմանվում է Հայաստանի Հանրապետության Հանրային Ծառայությունները Կարգավորող Հանձնաժողովի կողմից: Այսինքն, իրավական ակտերի ուժով, արդեն իսկ

բացառվում է տարբեր օպերատորների միջև **անսահմանափակ** անվճար զանգերի կատարման հնարավորությունը:

2.3. Օպերատորների միջև փոխկապակցման ծառայության վճարի առկայության պայմաններում բացառվում է այլ ընկերության՝ մասնավորապես «ՄՏՍ Հայաստան» ՓԲԸ-ի համար հավասար մրցակցային պայմաններով գնման ընթացակարգին մասնակցելը:

2.4. Տեխնիկական բնութագրում նշվել են այնպիսի նախապայման, որը առհասարակ բացառում է նշված Գնման ընթացակարգին «Յուրոմ» ընկերությունից բացի որևէ այլ ընկերության մասնակցությունը:

2.5. ՀՀ-ի համար 05.06.2015 թ. ուժի մեջ մտած «Պետական գնումների մասին վերանայված համաձայնագրի» 10-րդ հոդվածի 5-րդ մասի համաձայն՝

«Հոդված X Տեխնիկական բնութագրեր և մրցառքի փաստաթղթեր

Տեխնիկական բնութագրեր

5. Յանկացած տեխնիկական բնութագրի մշակման կամ ընդունման ժամանակ պարզաբանություն չպետք է փնտրի կամ ընդունի, այնպիսի եղանակով, որը կարող է մրցակցությանը խոչընդոտող ազդեցություն ունենալ, խորհուրդ այնպիսի անձից, որը կարող է առևտրային շահ ունենալ գնումներում»:

2.6. «Գնումների մասին» ՀՀ օրենքի 13-րդ հոդվածի 2-րդ մասի 1-ին և 2-րդ կետերի համաձայն՝
«2. Գնման առարկայի բնութագրերը՝

1) **պետք է մրցակցության հավասար պայմաններ ապահովեն հնարավոր մասնակիցների համար.**

2) **չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը».**

2.7. «Գնումների մասին» ՀՀ օրենքի 3-րդ հոդվածի 2-րդ մասի համաձայն՝

«2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով **մրցակցային, թափանցիկ, համաչափ, հրապարակային և ոչ խտրական հիմունքներով** կազմակերպում.

2) պայմանագրի կնքման նպատակով **մասնակիցների շրջանակի ընդլայնում** և նրանց միջև **մրցակցության խրախուսում.**

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման **գործընթացին մասնակցելու իրավահավասարություն»:**

Պահանջ

Հիմք ընդունելով վերոգրյալը՝

խնդրում ենք

1. պարտավորեցնել Պատվիրատուին չկայացած հայտարարել թիվ ՀՀ Ռ-ԳՀԾՁԲ-42-ԲՁՁԱՅԻՆ-2021/ԿԱՊ ծածկագրով գնման ընթացակարգը,
2. բողոքարկման վճարը վերադարձնել բողոք ներկայացնողի՝ «ՀԱՐՈՒԹՅՈՒՆՅԱՆ ԵՎ ԳՈՐԾԸՆԿԵՐՆԵՐ ԻՐԱՎԱԲԱՆԱԿԱՆ ԳՐԱՍԵՆՅԱԿ» ՍՊԸ-ի անվամբ «ԱԿԲԱ ԲԱՆԿ» ԲԲԸ-ում սպասարկվող թիվ 220553330147000 հաշվեհամարին:

Կից ներկայացնում ենք՝

1. բողոքարկման վճարի վճարման անդորրագիրը,
2. բողոք ներկայացնող անձի վերաբերյալ իրավաբանական անձանց պետական ռեգիստրի քաղվածքի պատճենը,
3. բողոք ներկայացնող անձի կանոնադրության պատճենը,
4. բողոք ներկայացնող անձի կողմից ներկայացուցին 04.02.2021 թ.-ին տրված լիազորագիրը,
5. ներկայացուցչի փաստաբանի վկայականի, արտոնագրի պատճենը,
6. ներկայացուցչի նույնականացման քարտի պատճենը,
7. Օպերատորների միջև փոխկապակցման ծառայությունների վճարների մասին ՀՀ հանրային ծառայությունները կարգավորող հանձնաժողովի որոշումները:

**Բողոք ներկայացնող անձի ներկայացուցիչ՝
Վահագն Մնացականյան**

Digitally signed by MIHAYEAKHANYAN VAHAGN
3507950133



03.05.2021 թ.